

uff ostern nicht thun worde dy helffte und dy andere helffte uff Peter Pauli, zo wil er dy hulff dulden, alsz irstanden were. Actum in die scolastice.

1077.

(1467) Juni 1

Nicolaus Ferber stiftet dem Hospital St. Johannis eine Wiese.

fol. 204v Nicolae Ferber hat uff huthe montag nach corporis Cristi ein wysen, gelegin hinder sandt Mauritius, gegeben unde ubir geeigent zcu dem hospital sancti Johannis vor dem Nyderthore gelegen, das dem Hansen Brutigam zcu getruwer handt gelyhen ist, mit sulch unterscheidt unschedlichen der stadt gerechtikeit, an geschossz, stuer unde ungelt, desz sal sich nictes gefreihet sein. Unde wenne Nicolae Ferber todis halben verschidin ist, zo sullen sy dy wisen wydir verkauffen unde forder nicht wey dem hospital bliben unde dasz gelt dem spital unde armen luthen zcu nucz legen. Actum utsupra.

1078.

1469 Juni 26

Peter Wittig informiert über die Krankheit von Sebalt Lasan.

fol. 205r Petir Vittigh hat bekant, das er unnde Heincz Schade von der Newstadt von Sebalt Lasan hundirt meilin gessent Pariszis in einer stadt gnant Plo adir Pley uff deucz gegangen ist, do hat er wey einen burger sich unnde krankk gelegin am mantag noch phingstin quatuor temporis. Actum feria 2^a post Johannis produxit testimonium Nickel Bottener anno LXIX.

1079.

1474 November 7

Michel Gernolt macht sein Testament.

fol. 205r Testamentum Gernolt son Michel. Item ich Michel Gernolt bescheyde von allen mein gutirn nemlich am garthen meins vater, der mir gehort hat, item 4 guldin Unserir Liben Frawen, item 4 gulden zcu sant Katherine, item 3 gulden in dasz closter, item 7 gulden zcu sancte Babaren, item wasz ubir dasz von mein gutirn bliben wirdet, dasz sal halb zcu sanct Johannen unnd halb zcu sanct Margarethen. Geschen am montag nach Lynhardi anno domini etc. LXXIII. Item so ist der verlaszenn garthin gegeben unde verkaufft vor 30 fl rh. Hans Smidt, schuster. Doran ist bezalt 4 gulden zcu